

ერთი მხრივ, სსიპ „საგანგებო სიტუაციების კოორდინაციისა და გადაუდებელი დახმარების ცენტრი“ (შემდგომში – „შემსყიდველი“), წარმოდგენილი მისი დირექტორის ავთანდილ თალაკვაძის სახით და მეორე მხრივ, ს/ს „ვისოლ პეტროლიუმ ჯორჯია“ (შემდგომში – „მიმწოდებელი“), 2019 წლის 14 მარტის ს/ს ვისოლ პეტროლიუმ ჯორჯიას გენერალური დირექტორის 14/ა ბრძანებისა და 2019 წლის 14 მარტის №ა/03/04 მინდობილობის შესაბამისად, წარმოდგენილი გენერალური დირექტორის მინდობილი პირის ტატიანა სიხარულიძის (პ/ნ: 61003004706) სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

**1. ხელშეკრულების საგანი და ობიექტი**

1.1 ხელშეკრულების საგანია საავტომობილო საწვავის (CPV 09100000) (შემდგომში: „საწვავი“ ან „შესყიდვის ობიექტი“) შესყიდვა, „სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „ბ“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე, სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-3 მუხლის პირველი პუნქტის „ბ“, ქვეპუნქტის, სახელმწიფო შესყიდვების სააგენტოს თავმჯდომარის 2014 წლის 4 დეკემბრის №11 ბრძანებით დამტკიცებული „ნავთობპროდუქციის (საწვავის) კონსოლიდირებული ტენდერის ჩატარების წესისა და პირობების დამტკიცების თაობაზე“ მე-5 მუხლის მე-6 პუნქტისა და კონსოლიდირებული ტენდერების სატენდერო კომისიის 2019 წლის 3 მაისის № 20374 და № 20375 ნებართვების საფუძველზე და წინამდებარე ხელშეკრულებით გათვალისწინებული პირობების შესაბამისად,

1.2 შესყიდვის ობიექტია:

- ა) 13 000 (ცამეტი ათასი) ლიტრი „ეკო დიზელი“.
- ბ) 1000 (ათასი) ლიტრი „ეკო პრემიუმი“.

1.3 შესყიდული საწვავის ხარჯვა მოხდება სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ სარგებლობაში არსებული ავტომობილების მიერ, წინამდებარე ხელშეკრულების პირობების და დანართ N1-ში მითითებული ინფორმაციის შესაბამისად.

1.4. დანართ N1-ში მითითებული ინფორმაციის გათვალისწინებით საწვავის შესყიდვასა და შესყიდული საწვავის ხარჯვაზე კონტროლი და პასუხისმგებლობა ეკისრება მხოლოდ “შემსყიდველს”.

1.5. დანართი N1 წარმოადგენს წინამდებარე ხელშეკრულების განუყოფელ ნაწილს.

1.6. “შემსყიდველის” მხრიდან საწვავის ხარჯვის კონტროლზე პასუხისმგებელია შესაბამისი დოკუმენტაციით განსაზღვრული უფლებამოსილი პირ(ებ)ი.

1.7. შესყიდული საწვავის ყოველ 2000 ლიტრზე “მიმწოდებელი” “შემსყიდველს” უსასყიდლოდ გადასცემს სასწრაფო სამედიცინო დახმარების (მაღალი გამავლობის) ავტომობილისთვის 1 (ერთი) ცალ რეცხვის ტალონს, რომლის გამოყენებაც შესაძლებელია “მიმწოდებლის” ნებისმიერი რეცხვითი მომსახურების ავტოგასამართ სადგურზე.

1.8. წინამდებარე “ხელშეკრულების პირობების და 1.7. პუნქტის გათვალისწინებით, “მიმწოდებელი” შემსყიდველს” გადასცემს უფასო რეცხვის 7 (შვიდი) ცალ ტალონს.

1.9. “მიმწოდებლის” რეცხვითი მომსახურების ავტოგასამართი სადგურების ადგილმდებარეობა მოცემულია დანართ N2-ში, რომელიც წარმოადგენს წინამდებარე ხელშეკრულების განუყოფელ ნაწილს.

**2. საწვავის ფასი და ხელშეკრულების ღირებულება**

2.1 შესყიდვის ობიექტის ფასი განისაზღვრება ლარებში:

ა) ერთი ლიტრი „ეკო დიზელის“ ფასი შეადგენს 2.54 ლარს;

ბ) ერთი ლიტრი „ეკო პრემიუმის“ ფასი შეადგენს 2.39 ლარს;

2.2 შესყიდვის ობიექტის საერთო ღირებულება შეადგენს 35 410 (ოცდათხუთმეტი ათას ოთხას ათი) ლარს, რაც შეიცავს დღგ-ს, აგრეთვე საწვავის მიწოდებასთან დაკავშირებულ ყველა თანმდევ ხარჯს, მათ შორის საწვავის შენახვის ხარჯებს ავტოგასამართი სადგურებიდან მის გაცემამდე.

**3. შესყიდვის ობიექტის ხარისხი**

3.1 შესყიდვის ობიექტის ხარისხობრივი მაჩვენებლები უნდა შეესაბამებოდეს საქართველოში მოქმედ ნორმებს.

**4. შესყიდვის ობიექტის მიწოდების პირობები**

4.1 შესყიდვის ობიექტის მიწოდებას „მიმწოდებელი“ უზრუნველყოფს პლასტიკური ბარათებით ან/და ტალონური სისტემით, „მიმწოდებლის“ ავტოგასამართი სადგურების ქსელის მეშვეობით. იმ შემთხვევაში, თუკი „მიმწოდებელი“ გადაწყვეტს თავის ქსელში არსებული რომელიმე ავტოგასამართი სადგურის ფუნქციონირების ან/და რომელიმე ავტოგასამართ სადგურზე წინამდებარე ხელშეკრულებით განსაზღვრული სახეობის საწვავის

რეალიზაციის შეწყვეტას, მან არანაკლებ 3 (სამი) სამუშაო დღით ადრე წერილობით უნდა აცნობოს „შემსყიდველს“ აღნიშნულის თაობაზე, ხოლო ამ ვადის გასვლის შემდეგ საწვავის მიწოდება შეტყობინებაში მითითებული ავტოგასამართი სადგურიდან აღარ განხორციელდება.

4.2 საწვავის ტალონების „შემსყიდველისათვის“ გადაცემა/შემსყიდველის სპეციალურ ანგარიშზე საწვავის ჩარიცხვა განხორციელდება ამ ხელშეკრულებით განსაზღვრული წესების დაცვით, ხელშეკრულების გაფორმებიდან 2019 წლის 7 მაისის ჩათვლით, „შემსყიდველის“ მოთხოვნის შესაბამისად.

4.3 „შემსყიდველის“ შეკვეთის საფუძველზე „მიმწოდებელი“ გამოუწერს „შემსყიდველს“ ელექტრონულ ნავთობპროდუქტების სპეციალურ საგადასახადო ანგარიშ-ფაქტურას (შემდგომში - „ენსაფ“) მოთხოვნილი რაოდენობისა და სახეობის საწვავზე. „შემსყიდველი“ ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს „ენსაფ“-ის დადასტურება არაუგვიანეს მისი ელექტრონულად გამოწერის დღისა. „ენსაფ“-ის დადასტურების შემდეგ „შემსყიდველის“ უფლებამოსილ წარმომადგენელს მიღება-ჩაბარების აქტ(ებ)ით გადაეცემა მოთხოვნილი რაოდენობისა და სახეობის საწვავის ტალონები ან/და „შემსყიდველის“ მიერ მოთხოვნილი რაოდენობისა და სახეობის საწვავი ჩარიცხვა (გააქტიურდება) „შემსყიდველის“ სპეციალურ ანგარიშზე. მხარეები აღიარებენ, რომ „შემსყიდველის“ მიერ „ენსაფ“-ის ელექტრონულად დადასტურების მომენტიდან, „ენსაფ“-ით გათვალისწინებული საწვავი ითვლება „შემსყიდველის“ მიერ შეძენილად და „შემსყიდველს“ არა აქვს უფლება სადავო გახადოს ამ საწვავის შეძენის ფაქტი, აგრეთვე ზემოთხსენებულ „ენსაფ“-ში დაფიქსირებული საწვავის სახეობა, რაოდენობა, ფასი და სხვა არსებითი პირობები. ამასთან, „შემსყიდველს“ არც ერთი საფუძველი არ შეუძლია სადავო გახადოს მისი მხრიდან შესაბამისი „ენსაფ“-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ „შემსყიდველს“, „ენსაფ“-ის ელექტრონულად დადასტურების პროცესი არ კონტროლდება „მიმწოდებლის“ მიერ და „შემსყიდველი“ თავად განსაზღვრავს იმ პირის ვინაობას, რომელიც უშუალოდ მოახდენს „შემსყიდველის“ მხრიდან „ენსაფ“-ის ელექტრონულად დადასტურებას. 4.4 იმ შემთხვევაში, თუკი „შემსყიდველი“ ვერ უზრუნველყოფს 4.3 პუნქტით განსაზღვრულ ვადაში „ენსაფ“-ის ელექტრონულად დადასტურებას, ან არ მოახდენს საწვავის შეკვეთის განხორციელებას 4.2 პუნქტში მითითებულ ვადაში, „მიმწოდებელი“ უფლებამოსილი იქნება დაუყოვნებლივ ცალმხრივად მოშალოს წინამდებარე ხელშეკრულება და უარი განაცხადოს შესყიდვის ობიექტის მიწოდებაზე, რაც არ შეიძლება მიჩნეულ იქნას „მიმწოდებლის“ მიერ რომელიმე სახელშეკრულებო ვალდებულების დარღვევად ან შეუსრულებლობად.

## 5. შესყიდვის ობიექტის მიღება-ჩაბარების წესი

5.1 სატალონო სისტემით საწვავის მიწოდება მოხდება შემდეგი წესით:

ხელშეკრულების 4.3 პუნქტ(ებ)ით დადგენილი პროცედურის დაცვით, „მიმწოდებელი“ დაამზადებს და მიღება-ჩაბარების აქტ(ებ)ის საფუძველზე გადასცემს „შემსყიდველს“ (სპეციალური მინდობილობით აღჭურვილ პირს) შეძენილი საწვავის ტალონებს ლიტრობრივ ერთეულებში (10 და 20 ლიტრიანი ტალონის ნომინალებით). ტალონების გადაცემის შემდეგ მათი დაკარგვის, დაზიანების ან განადგურების რისკი გადადის „შემსყიდველზე“, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის საწვავის ტალონებზე გადაცვლას. ტალონზე აღნიშნული უნდა იყოს:

- „მიმწოდებლის“ ლოგო წარწერით „ეისოლი“;
- ტალონის ნომერი;
- საწვავის სახეობა;
- საწვავის რაოდენობა.

„შემსყიდველისათვის“ გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტ(ებ)ის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი „შემსყიდველი“ გონივრულ ვადაში სამუშაო საათებში აცნობებს „მიმწოდებელს“ დაკარგვის შესახებ წერილობით და მიუთითებს დაკარგული ტალონების ნომრებს, „მიმწოდებელი“ უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, „შემსყიდველს“ არ აქვს უფლება მოითხოვოს დაკარგული ტალონების სანაცვლოდ ახალი ტალონების ან/და საწვავის გაცემა. დაკარგული ტალონების პოვნის შემთხვევაში, „შემსყიდველის“ წერილობითი მოთხოვნის საფუძველზე, „მიმწოდებელი“ უზრუნველყოფს ტალონების აღდგენას (ბლოკირების მოხსნას).

5.1.2 „მიმწოდებელი“ ვალდებულია ტალონის ავტოგასამართ სადგურზე წარმოდგენისთანავე გამართოს ავტომანქანა და/ან ჭურჭელი ტალონში აღნიშნული საწვავის ხარისხითა და რაოდენობით.

5.1.3 საწვავის გაცემა ხდება ტალონის წარმომდგენ ნებისმიერ პირზე.

5.1.4 ავტოგასამართ სადგურზე ტალონების წარმოდგენისთანავე „შემსყიდველი“ ან მისი წარმომადგენელი ვალდებულია უზრუნველყოს შესაბამისი ტევადობების ან/და ჭურჭლის წარმოდგენა. ტალონებზე საწვავის გაცემისას ტალონის ნაწილობრივი განაღდება ან/და ხურდის დაბრუნება არ დაიშვება.

5.2 პლასტიკური ბარათების სისტემით საწვავის მიწოდება განხორციელდება შემდეგი წესით:

5.2.1 ხელშეკრულების 4.3 პუნქტით დადგენილი პროცედურის დაცვით, „მიმწოდებელი“ თავის ვებ-გვერდზე გაუხსნის „შემსყიდველს“ სპეციალურ ანგარიშს და უზრუნველყოფს „შემსყიდველის“ მიერ შეძენილი საწვავის ჩარიცხვას აღნიშნულ ანგარიშზე, პლასტიკურ ბარათებზე საწვავის შემდგომი განაწილების მიზნით. სპეციალურ ანგარიშზე საწვავის ჩარიცხვის შემდეგ „შემსყიდველს“ უფლება აქვს ანგარიშზე არსებული ნაშთის ფარგლებში

შეზღუდვად, თავისი შეზღუდვებისამებრ, მოახდინოს აღნიშნული საწვავის გადანაწილება მის კუთვნილ ერთ ან რამოდენიმე პლასტიკურ ბარათზე ინტერნეტით, „მიმწოდებლის“ ვებ-გვერდის საშუალებით, „შემსყიდველის“ საიდენტიფიკაციო სახელისა და პაროლის გამოყენებით.

5.2.2 სპეციალურ ანგარიშზე საწვავის ჩარიცხვის შემდეგ საწვავი არ ექვემდებარება დაბრუნებას ან სხვა სახეობის საწვავზე გადაცვლას, ხოლო პლასტიკური ბარათის/ბარათების დაკარგვასთან, დაზიანებასთან ან განადგურებასთან დაკავშირებული ყოველგვარი რისკი გადადის „შემსყიდველზე“.

5.2.3 „შემსყიდველის“ პირველად საიდენტიფიკაციო სახელსა და პაროლს „მიმწოდებელი“ მიღება-ჩაბარების აქტ(ებ)ით დალუქული კონვერტიტით გადასცემს „შემსყიდველის“ უფლებამოსილ წარმომადგენელს და ამავედროულად უტარებს შესაბამის ინსტრუქტაჟს საიდენტიფიკაციო სახელისა და პაროლის შეცვლისა და გამოყენების წესების შესახებ. „შემსყიდველი“ ვალდებულია ანგარიშის პირველ გამოყენებამდე და პლასტიკურ ბარათზე საწვავის გადატანამდე შეცვალოს „მიმწოდებლის“ მიერ გადაცემული პაროლი და შემდგომში გამოიყენოს მხოლოდ მის მიერ შექმნილი ახალი პაროლი. პირველადი საიდენტიფიკაციო სახელისა და პაროლის „შემსყიდველის“ წარმომადგენლისათვის გადაცემისთანავე ყოველგვარი პასუხისმგებლობა და რისკი საიდენტიფიკაციო სახელისა და პაროლის არასანქცინირებულ გამოყენებაზე, ელექტრონული ანგარიშიდან პლასტიკურ ბარათზე საწვავის უნებართვო გადატვირთვაზე და სხვა მსგავს შემთხვევებზე, ავრეთვე ამით გამოწვეულ ნეგატიურ შედეგებზე, გადადის „შემსყიდველზე“.

5.2.4 საწვავის გაცემა მოხდება პლასტიკური ბარათის წარმომდგენ ნებისმიერ პირზე. „შემსყიდველის“ მოთხოვნის საფუძველზე შესაძლებელია პლასტიკურ ბარათზე კონკრეტული ავტომანქანის სახელმწიფო ნომრის და სერიის გამოსახვა. ასეთი ბარათის ავტოგასამართ სადგურზე წარმოდგენისას, საწვავის ჩასხმა მოხდება მხოლოდ ბარათზე აღნიშნული სახელმწიფო ნომრის და სერიის მქონე ავტომანქანის ავზში, ხოლო ნებისმიერი სახის დამატებით ტევადობებში (ჭურჭელში) ან სხვა ავტომანქანის ავზში საწვავის ჩასხმა არ განხორციელდება.

5.2.5 პლასტიკური ბარათი ადასტურებს მისი წარმომდგენლის უფლებას ავტოგასამართ სადგურზე მიიღოს ბარათზე ჩატვირთული შესაბამისი საწვავი. პლასტიკური ბარათის დაკარგვის ან/და დაზიანების შემთხვევაში „შემსყიდველი“ ვალდებულია დაუყოვნებლივ წერილობით აცნობოს ამის შესახებ „მიმწოდებელს“, რათა მოხდეს ამ ბარათის ბლოკირება. ამასთანავე, ბლოკირებამდე ბარათების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ „შემსყიდველს“.

5.2.6 „შემსყიდველი“ ვალდებულია პლასტიკური ბარათი შეინახოს მზისგან, ელექტრული და მაგნიტური ველებისაგან (მობილური ტელეფონი, ტრანსფორმატორი, ტელევიზორი და სხვ.) დაცულ ადგილას, ასევე არ მოახდინოს პლასტიკური ბარათის გალუნვა. „მიმწოდებელი“ არ არის პასუხისმგებელი ამ მოთხოვნის შეუსრულებლობის შემთხვევაში ბარათის დაზიანებაზე. პლასტიკური ბარათის ფიზიკური დაზიანების ან/და დაკარგვის შემთხვევაში, „შემსყიდველი“ უფლება აქვს შეიძინოს ახალი ბარათი და ითხოვოს მასზე ბლოკირების შემდეგ არსებული ნაშთების გადატანა. პლასტიკური ბარათის პროგრამულად დაზიანების შემთხვევაში, „მიმწოდებელი“ უსასყიდლოდ დაუმზადებს „შემსყიდველს“ ახალ პლასტიკურ ბარათს.

5.3 წინამდებარე ხელშეკრულების მოქმედების პერიოდში ამავე ხელშეკრულების 5.1 პუნქტით გათვალისწინებული საწვავის ტალონების მიღება-ჩაბარების აქტ(ებ)ის ხელმოწერაზე უფლებამოსილი პირი „შემსყიდველის“ მხრიდან არის ადმინისტრაციული დეპარტამენტის, შესყიდვების სამმართველოს მთავარი სპეციალისტი რატი სახელაშვილი (პ/ნ: 01017049211) და ეს უფლებამოსილება არ შეიძლება გახდეს სადავო „შემსყიდველის“ მხრიდან. შემდგომში ამ პირის უფლებამოსილების გაუქმება ან შეზღუდვა იურულიულ ძალას შეიძენს მხოლოდ იმ შემთხვევაში, თუ „მიმწოდებელს“ წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

## **6. ანგარიშსწორების ფორმა, გრაფიკი (ვადები)**

6.1 მიწოდებული ობიექტის ღირებულების ანაზღაურება მოხდება ლარებში, უნაღდო ანგარიშსწორებით.

6.2 „შემსყიდველი“ იღებს ვალდებულებას აუნაზღაუროს „მიმწოდებელს“ შექმნილი საწვავის ღირებულება წინამდებარე ხელშეკრულების 4.3 პუნქტის მიხედვით შესაბამისი „ენსაფ“-ის ელექტრონულად დადასტურებიდან არაუგვიანეს 10 (ათი) კალენდარული დღის განმავლობაში.

## **7. მხარეთა უფლება-მოვალეობანი**

7.1 „შემსყიდველს“ უფლება აქვს:

7.1.1 შეამოწმოს მიწოდებული საწვავის შესაბამისობა ხელშეკრულებით გათვალისწინებულ პირობებთან.

7.1.2 განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე.

7.1.3 უარი თქვას უხარისხო საწვავის მიღებაზე.

7.2 „შემსყიდველი“ ვალდებულია:

- 7.2.1 წერილობით აცნობოს „მიმწოდებელს“ საწვავის მიწოდებასთან დაკავშირებული ყველა განსაკუთრებული გარემოების შესახებ.
- 7.2.2 მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად.
- 7.2.3 დაიცვას ხელშეკრულების სხვა პირობები.
- 7.3 „მიმწოდებელს“ უფლება აქვს:
- 7.3.1 მოსთხოვოს „შემსყიდველს“ მიწოდებული საწვავის ღირებულების ანაზღაურება ხელშეკრულებით გათვალისწინებული პირობებით;
- 7.3.2 დროებით (არაუმეტეს 1.5 საათისა) შეაჩეროს საწვავის გაცემა ამა თუ იმ ავტოგასამართ სადგურზე საწვავის მიღების დროს და მიღების შემდეგ, რათა უზრუნველყოფილ იქნას პერსონალის და მომხმარებლების უსაფრთხოება და საწვავის სათანადო ხარისხი;
- 7.4 „მიმწოდებელი“ ვალდებულია:
- 7.4.1 „შემსყიდველის“ შეკვეთის მიღებიდან ორი სამუშაო დღის განმავლობაში გამოუწეროს მას „ენსაფ“-ი მოთხოვნილ საწვავზე, ხოლო „ენსაფ“-ის ელექტრონულად დადასტურებისთანავე ჩაურიცხოს „შემსყიდველს“ სპეციალურ ანგარიშზე შექმნილი საწვავი (საწვავის პლასტიკური ბარათებით მიწოდების შემთხვევაში) ან „ენსაფ“-ის ელექტრონულად დადასტურებიდან ორი სამუშაო დღეში მოამზადოს შესაბამისი რაოდენობისა და სახეობის საწვავის ტალონები „შემსყიდველზე“ გადასაცემად (საწვავის ტალონური სისტემით მიწოდების შემთხვევაში).
- 7.4.2 წერილობით გააფრთხილოს „შემსყიდველი“ საწვავის მიწოდების პროცესში შეფერხების შესახებ.
- 7.4.3 დაიცვას ხელშეკრულებით გათვალისწინებული ყველა პირობა.

### **8. მხარეთა პასუხისმგებლობა ხელშეკრულების დარღვევისას**

- 8.1 „შემსყიდველი“ უფლებამოსილია საწვავის მიწოდების ვადის გადაცილების შემთხვევაში, დააკისროს „მიმწოდებელს“ პირგასამტეხლო ყოველ ვადაგადაცილებულ დღეზე დროულად მიუწოდებელი საწვავის ღირებულების 0.1 პროცენტის ოდენობით.
- 8.2 გადახდის ვადის გადაცილების შემთხვევაში, „მიმწოდებელი“ უფლებამოსილია დააკისროს „შემსყიდველს“ პირგასამტეხლო ყოველ ვადაგადაცილებულ დღეზე, დროულად გადაუხდელი თანხის 0.1 პროცენტის ოდენობით.
- 8.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 3 პროცენტს, მეორე მხარეს უფლება აქვს შეწყვიტოს ხელშეკრულება.

### **9. ხელშეკრულების მოქმედების ვადა**

- 9.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2019 წლის 20 ივნისის ჩათვლით (საწვავის შექმნის ვადაა ხელშეკრულების გაფორმებიდან 2019 წლის 7 მაისის ჩათვლით).

### **10. დავები და მათი გადაწყვეტის წესი**

- 10.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად.

### **11. ხელშეკრულების შესრულების კონტროლი**

- 11.1 „მიმწოდებლის“ მიერ ხელშეკრულებით ნაკისრი ვალდებულებების შესრულების კონტროლი, ხელშეკრულების მოქმედების მთელი პერიოდის განმავლობაში, ეკისრება „შემსყიდველის“ მიერ შექმნილ ინსპექტირების ჯგუფს. „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

### **12. სხვა პირობები**

- 12.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 12.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12.3 ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ორი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.4 წინამდებარე ხელშეკრულების ნებისმიერი ცვლილება ან დამატება ფორმდება შეთანხმების სახით, რომელიც ძალაში შედის მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

### 13. მხარეთა რეკვიზიტები და ხელმოწერები

„შემსყიდველი“:

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“

იურიდიული მისამართი: ქ. თბილისი, აკაკი წერეთლის გამზ. № 144

ფაქტური მისამართი:

ქ. თბილისი, აკაკი წერეთლის გამზ. № 121

საიდენტიფიკაციო კოდი: 205307960

დაფინანსების წყარო:

სახელმწიფო ბიუჯეტი

ხაზინის ერთიანი ანგარიში:

ბანკის კოდი – TRESGE22

შიდა ანგარიში – 200122900

სახაზინო კოდი – 2703030702

„მიმწოდებელი“:

ს/ს „ვისოლ პეტროლიუმ ჯორჯია“

იურ.მის.:საქართველო, თბილისი, ვაკე-საბურთალოს რაიონი, ი.ჭავჭავაძის გამზ.

№74ბ

ს/ს „თიბისი ბანკის“

მარჯანიშვილის ფილიალი

ბ/კოდი: TBCBGE22

ა/ა: № GE48TB1100000018467453

ს/კოდი: 202161098

დირექტორი  
ავთანდილ თალაკვაძე

გენერალური დირექტორის  
მინდობილი პირი  
ტატანა სიხარულიძე

ვიზირებულია:

გ. ხახუბია

ვ. ჭანიშვილი

გ. აბულაძე


გ. თოფურია

ნ. საბანაძე

გ. ტარუდიშვილი

ა. შეყილაძე

შემსრულებელი:  
რ. სახელაშვილი



სახელმწიფო შესყიდვის შესახებ N 05/05/19 ხელშეკრულების

დანართი N1

ქ. თბილისი

N	რაიონი	ავტომობილის სახ.ნომერი	საწვავის ტიპი
1	ბაღდათი	EM050SC	ეკო დიზელი
2	ბაღდათი	EM170SC	ეკო დიზელი
3	დუშეთი	EM101SC	ეკო დიზელი
4	დუშეთი	EM102SC	ეკო დიზელი
5	დუშეთი	EM133SC	ეკო დიზელი
6	თეთრიწყარო	EM153SC	ეკო დიზელი
7	თეთრიწყარო	EM177SC	ეკო დიზელი
8	თეთრიწყარო	EM192SC	ეკო დიზელი
9	თეთრიწყარო	EM215SC	ევრო რეგულარი
10	თიანეთი	EM126SC	ეკო დიზელი
11	თიანეთი	EM128SC	ეკო დიზელი
12	თიანეთი	EM129SC	ეკო დიზელი
13	თიანეთი	ZVZ726	ევრო რეგულარი
14	სამტრედია	EM075SC	ეკო დიზელი
15	სამტრედია	EM155SC	ეკო დიზელი
16	სამტრედია	EM183SC	ეკო დიზელი
17	ქუთაისი	EM043SC	ეკო დიზელი
18	შუახევი	EM041SC	ეკო დიზელი
19	შუახევი	EM042SC	ეკო დიზელი
20	ჩოხატაური	EM045SC	ეკო დიზელი
21	ჩოხატაური	EM154SC	ეკო დიზელი
22	ჩოხატაური	EM188SC	ეკო დიზელი
23	ჩხოროწყუ	EM068SC	ეკო დიზელი
24	ჩხოროწყუ	EM142SC	ეკო დიზელი
25	წალკა	EM037SC	ეკო დიზელი
26	წალკა	EM137SC	ეკო დიზელი
27	წალკა	EM203SC	ეკო დიზელი
28	წყალტუბო	EM054SC	ეკო დიზელი
29	წყალტუბო	EM055SC	ეკო დიზელი
30	წყალტუბო	EM176SC	ეკო დიზელი
31	ხულო	EM044SC	ეკო დიზელი
32	ხულო	EM108SC	ეკო დიზელი
33	ხულო	EM223SC	ეკო დიზელი
34	ხულო	EM224SC	ეკო დიზელი

35	ხულო- გოდერძი	EM228SC	ევრო რეგულარი
36	ხულო- ღორჯომი	QVV163	ეკო დიზელი

„შემსყიდველი“:

სსიპ „საგანგებო სიტუაციების კოორდინაციისა და  
გადაუდებელი დახმარების ცენტრი“

იურიდიული მისამართი: ქ. თბილისი,  
აკაკი წერეთლის გამზ. № 144

ფაქტიური მისამართი:

ქ. თბილისი, აკაკი წერეთლის გამზ. № 121

საიდენტიფიკაციო კოდი: 205307960

დაფინანსების წყარო:

სახელმწიფო ბიუჯეტი

ხაზინის ერთიანი ანგარიში:

ბანკის კოდი – TRESGE22

შიდა ანგარიში – 200122900

სახაზინო კოდი – 2703030702

„მიმწოდებელი“:

ს/ს „ვისოლ პეტროლიუმ ჯორჯია“

იურ.მის.:საქართველო, თბილისი, ვაკე-  
საბურთალოს რაიონი, ი.ჭავჭავაძის გამზ.

№74ბ

ს/ს „თიბისი ბანკის“

მარჯანიშვილის ფილიალი

ბ/კოდი: TBCBGE22

ა/ა: № GE48TB1100000018467453

ს/კოდი: 202161098

სახელმწიფო შესყიდვის შესახებ N 05/05/19 ხელშეკრულების

დანართი N2

ქ. თბილისი

N	ადგილმდებარეობა	ბოქსების რაოდენობა
1	ქ. თბილისი, ქეთევან წამებულის გამზ. N71-ში მოპირდაპირე მხარეს	2
2	ქ. თბილისი, თამარაშვილის ქუჩის გამყოფ ზოლში	2
3	ქ. თბილისი, ერისტავის ქუჩა 1, (მეტრო დიდუბის მიმდებარედ)	2
4	ქ. თბილისი, ჯიქიას ქ. N2ა უნივერსიტეტის მალღვი კორპუსის მიმდებარედ	2
5	ქ. თბილისი, ავჭალა, ღვინის ქარხნის მიმდებარედ	2
6	ქ. თბილისი, მუხიანი, გობრონიძის ქუჩა N4	2
7	ქ. თბილისი, გურამიშვილის ქ. N41 (ელმავალმშენებელი ქარხნის მოპირდაპირედ)	2
8	ქ. თბილისი, დიდუბის ავტო სადგურიდან ქსნის ქუჩისკენ მიმავალ სანაპიროზე განთავსებულ აგს-ზე	2
9	ბაქტერიოფაგის მიმდებარე ტერიტორია	9
10	ქ. რუსთავი, სარტავას 4-ის მიმდებარედ	4
11	ქ. ბათუმი, თამარ მეფის გამზირი ახალი რკინიგზის გვერდით	1
12	ქ. ზუგდიდი, რუსთაველის ქუჩა 328 (აგს "ზუგდიდი-ქუჯი")	2
13	ქ. ქუთაისი, შარტავას ქ. მე-3 შესახვევი N12 და გამსახურდას გამზ.	2

„შემსყიდველი“:

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“  
 იურიდიული მისამართი: ქ. თბილისი, აკაკი წერეთლის გამზ. № 144  
 ფაქტური მისამართი:  
 ქ. თბილისი, აკაკი წერეთლის გამზ. № 121  
 საიდენტიფიკაციო კოდი: 205307960  
 დაფინანსების წყარო:  
 სახელმწიფო ბიუჯეტი  
 ხაზინის ერთიანი ანგარიში:  
 ბანკის კოდი – TRESGE22  
 შიდა ანგარიში – 200122900  
 სახაზინო კოდი – 2703030702

„მიმწოდებელი“:

ს/ს „ვისოლ პეტროლიუმ ჯორჯია“  
 იურ.მის.:საქართველო, თბილისი, ვაკე-საბურთალოს რაიონი, ი.ჭავჭავაძის გამზ. №74ბ  
 ს/ს „თიბისი ბანკის“  
 მარჯანიშვილის ფილიალი  
 ბ/კოდი: TBCBGE22  
 ა/ა: № GE48TB1100000018467453  
 ს/კოდი: 202161098